

海道 一福建布政司水波門船廠船要水手船護送其神仙壁碧水屋山島有賊開洋至三岔河口一二日至古山寺送香  
燭防東南颶作潮過平息至望鎮港娘娘廟前泊一日至長樂港口一日至民遠鎮巡簡司一日至總埠頭港一日至福州左  
等衛要水手送一日至五虎廟燒總福一日至五虎門開洋望東北行正東便是裏衣山正北是定海千戶所東南是福清縣  
鹽場一日至王家峪海島泊一日至北高山巡簡司西洋山口泊一日福寧縣幫娘娘廟前泊一日至滿門千戶所防霧晚收  
艤艚巡簡海口一日至金鄉衛要水手送一日松門衛一日至温州平陽縣平陽巡簡司海口至鳳凰山銅盆山防東南颶作  
晚收中界山泊一日至盤石衛見霧在中界山正北島泊待南風行至晚收北門千戶所要捕魚小列船送待南風北行過利  
洋鷄籠山候潮至松門港松門衛東港泊候潮至台州海門衛東洋山泊離温州望北行到桃青千戶所聖門口泊開洋至大  
佛頭山屏風山至健跳千戶所長亭巡簡司要水手漁船送又至羅漢堂山到石浦千戶所東關泊要水手送至定海衛始換  
金鄉盤石水手離石浦港石門過銅瓦山后沙洋半邊山党公爵溪千戶所望北行至青門山亂石礁洋至前倉千戶所雙臚  
港騎頭巡簡司過至大松千戶所家門山招寶山進定海港定海衛南門要稍水船送燒總福開洋望北行至遮口山黃公洋  
列港千戶所海寧衛東山姑山望北行若至茶山低了至金山衛東海灘松江府上海縣海套水淺望東南行晚泊船候潮過  
羊山大七山小七山大倉寶塔望東北行兩日夜見黑水洋南風一日見綠水瞭見海內懸山一座便是延真靖海衛口淺灘  
避之

一劉家港出楊子江南岸候潮長迤西行半日到白茆港潮平帶蓬櫓搖過撐脚沙尖轉家明沙正東行南有朱八沙婆婆沙  
三脚沙須避之楊子江內北有雙塔南有范家港灘東南有張家沙江口有陸家沙可避口外有暗沙一帶連至崇明江北有  
瞭角嘴開洋或正西西南北風潮落正東或帶北一字行半日可過長灘是白水洋東北行見綠水一日見黑綠水循黑綠水  
正北行好風兩日一夜到黑水洋又兩日夜見北洋綠水又一日夜正北望顯神山半日見成山自轉瞭角嘴未過長灘正北  
行靠桃花班水邊北有長灘沙響沙半洋沙陰沙溟沙切避之如黑水洋正北帶東一字行量日期不見成山黑水必低了  
可見升羅嶼海中島西有磯而筆架即復回望北帶西一字行一日夜便見成山若過黑水洋見北洋官綠水或延真島望西  
北由便是九峰山向北去有赤山牢山皆有島嶼可泊若牢山北有北茶山白蓬頭石礁百餘里激浪如雪即開或使或復回  
望東北行北有馬鞍山竹山島北有旱門漫灘皆可泊若東南風大不可擊北向便是成山如在北洋官綠水內望見顯神仙  
桃西二字多必是 了即便回復望東北行過成山正西行前鷄鳴嶼內有浮礁避有夫人嶼不可行須到劉島正西行到芝  
界島東北有門可入西北離百餘里有黑礁三四畝避之八角島東南有門可入自芝界島好風半日過抹直口有金嘴石衝  
出洋內潮落可見避之新河海口到沙島東南有淺挨深行南門可入東有門有暗礁西北有門可泊沙門島開洋北過砣磯